

鴛洲賈九如輯著  
趙郡李期叔補訂

# 辨藥指南

上海中華新教育社印行



南京中医药大学图书馆版权所有

乙丑孟秋

辨藥指南

衍題



南京中医药大学图书馆版权所有

民國十五年南京  
中華書局發行



辨藥指南序

古謂用藥救生用兵救亂其事急其義一也故處方猶之五花八陣而藥者特其  
仗之屬藉以克敵若甲仗朽鈍是以卒予敵也更或長短異宜先後倒置直可以  
戰而敗救亂云乎哉則將以救生者亦可以肅然懼惕然悟矣著本草者有神農  
來不下數十家多繁簡失中讀者嘗苦其不適於用余甲申遊禾中偶得前君九如  
所著辨藥指南其為區別發明誠一世之指南問其里人有不聞其姓氏者嗟乎  
九如精技入神世人不見其德故名沒於州黨抑所號聖醫者學不必如九如而  
足擅名皆不得而知也是書藏之笥中甚久戊午客浙西伏暑中曝書復見九如本  
如逢故人乃命兒子漢徵較正重梓問世凡善讀此書者當處方之際直令壁壘一  
新豈獨為九如重開生面也乎時在庚申立秋日趙郡漫庵李延是題於當湖之借  
竹樓



# 辨藥指南目錄

## 卷首 論藥

本草論

君臣佐使論

藥有真偽論

藥論

## 卷一 藥母訂例

辨藥八法

體質所主

五色所主

五氣所入

五氣所能

五味所入

五味所走

五味所養

五味所主

五味所能

五味所宣

五味所禁

藥之陰陽

藥性清濁

藥性所養

藥性所主

藥性所用

藥力所主

## 卷二 氣藥

藿香



寧夏中醫藥大學圖書館版權所有

香附 一

烏藥 一

厚朴 一

大腹皮 二

木香 二

檳榔 二

桔梗 二

陳皮 三

蘇梗 三

枳壳 三

枳實 三

青皮 四

白芷 四

砂仁 四

蘿蔔子 四

沈香 五

卷三 血藥

赤芍藥

地榆

五靈脂

玄胡索

紅花

桃仁

三稜

蓬朮

槐花

蒲黃

側柏葉

蘇木

卷四 肝藥



北京中醫藥大學圖書館版權所有

牡丹皮

續斷

生地

熟地

天麻

當歸

川芎

白芍藥

何首烏

山茱萸

木瓜

益母草

大黑棗

卷五 心藥

丹參

茯神

酸棗仁

柏子仁

石菖蒲

遠志

竹葉

燈心

卷六 脾藥

人參

黃芪

白茯苓

白朮

甘草

芡實

白扁豆



薏米

三

神麴

三

大麥芽

四

山查

四

車前子

四

木通

四

澤瀉

五

猪苓

五

蓮肉

附荷葉

五

桂圓肉

六

卷七 肺藥

沙參

一

石斛

一

甘菊

一

山藥

二

百合

二

桑白皮

紫苑

款冬花

馬兜鈴

麥門冬

天門冬

杏仁

五味子

四

訶子

四

烏梅

五

阿膠

五

卷八 腎藥

玄參

一

龜甲

一



南京中医药大学图书馆版权所有

枸杞子

菟絲子

牛膝

杜仲

鹿角膠

附虎脰骨

補骨脂

肉蓯蓉

卷九 痰藥

橘紅

貝母

半夏

天花粉

南星

膽星

瓜蒌仁

白芥子

蘇子

常山

竹茹

竹瀝

附梨汁

薑汁

海石

皂莢

卷十 火藥

龍膽草

牛蒡子

黃連

連翹

犀角尖

石膏





黃芩

二

山梔

二

知母

三

黃柏

三

知骨皮

三

滑石

四

芒硝

四

大黃

四

石蓮肉

五

胡黃連

五

卷十一 燥藥

秦艽

一

麻仁

一

童便

一

蜂蜜

一

卷十二 風藥

麻黃

羌活

紫蘇葉

薄荷葉

柴胡

葛根

升麻

白芷

防風

荊芥

前胡

獨活

蔓荊子

威靈仙



南京中醫藥大學圖書館版權所有

細辛

四

香薷

五

生薑

五

葱頭

五

卷十三

濕藥

蒼朮

一

草薢

一

漢防己

附茵陳

一

卷十四

寒藥

附子

一

桂

一

乾薑

一

炮薑

一

小茴香

附吳茱萸

二

辨藥指南目錄終



# 辨藥指南

卷首

論藥

本草論

趙郡李延是期叔著

用藥救生。道在應危微之介。非神聖不能抉其隱微。後之君子。將以仁壽為也。任舍博綜無由矣。昔在神農闢本草四卷。藥分三品。計三百六十五種。以應周天之數。察寒熱溫平。分君臣佐使。救生民之夭枉。醫藥之鼻祖也。嘗讀淮南子云。神農嘗百草。一日七十毒。未始不歎。所謂盡信書則不如無書之說也。夫神農立極之大聖。以生知之聖。固不待物物而嘗。使其果有待乎必嘗。則須患是病而後服其藥。神農豈極人世之苦。歷試某藥之治某病乎。設其七十毒。偶見於一日而記之。則毒之小也。猶不死而可解毒之大也。將必死矣。又孰有神農者而解之乎。甚矣淮南子之好寓言也。六朝陶弘景增漢魏以來名醫所用藥三百六十五種。并為七卷。謂之名醫別錄。分別科條。區畛物類。可謂勤矣。惜其防葵狼毒。妄曰同根。鈎吻黃精。連為同類。豈聞見缺於殊方。而詮釋泥於獨學乎。北齊徐之才。增飾雷公藥對。凡二卷。使古籍流傳亦其力也。劉宋時雷斅著炮炙論。胡洽居士重加定述。藥凡三百種。為上中下三卷。



北京中醫藥大學圖書館版權所有

其性味炮炙熬煮修事之法多古奧。別成一家者歟。唐高宗命司空英國公李勣。修陶隱居所著神農本草經。增為七卷。世謂之英公唐本草。頗有增益。顯慶中。石鼓門長史蘇恭。重加訂註。帝復命太尉趙國公長孫無忌等二十二人。與恭詳定。增藥一百一十四種。分為玉石草木人獸禽虫魚果米穀菜。有名未用十一部。凡二百卷。目錄一卷。別為藥圖二十五卷。圖經七卷。共五十三卷。世謂之唐新本草。自謂本經雖缺有驗必書。別錄雖存無稽必正。良有以也。開元中。三原縣尉陳藏器。以神農本草經雖有陶蘇補集之說。然遺沈尚多。故別為序例一卷。拾遺六卷。解分三卷。總曰本草拾遺。而世或譏其怪僻。不知古今隱顯亦異。如辟虺雷海馬胡豆之類。皆隱于昔而用于今。仰天皮燈花敗扇之類。皆所嘗用者。非此書收載。何從稽攷乎。肅代時人李珣著海藥本草。獨詳於偏方。亦不可缺也。李含光甄立言。殷子嚴。皆有本草音義。初學之所藉乎。蜀主孟昶。命翰林學士韓保昇等。取唐本草。參較增補。註釋。別為圖經。凡二十卷。世謂之蜀本草。其圖說藥物形狀。詳於陶蘇矣。宋開寶六年。命尚藥奉御劉翰。道士馬志等九人。取唐蜀本草詳校。仍取陳藏器拾遺諸書相參。刊正別名。增藥一百三十三種。馬志為之註解。翰林學士盧多遜等刊正。七年。復詔志等重定。學士李昉等看詳。凡神農者白字。名醫所傳墨字。別之。并目錄共二十一卷。如敗鼓皮。

移附於獸皮。胡桐淚改從於木類。或討源於別本。或傳效於醫家。下采眾議。幾欲聚腋成裘矣。仁宗嘉祐二年。詔光祿卿直秘閣掌禹錫。尚書祠部郎中秘閣校理林億等。同諸醫官同修本草。新補八十三種。新定一十七種。通計一千八十二條。謂之嘉祐補註本草。共二十七卷。校修之功勤矣。仁宗又詔天下郡縣圖上所產藥物。用唐永徽故事。專命太常博士蘇頌撰述。凡二十一卷。謂之圖經本草。攷證詳明。但圖與說不無矛盾。或有圖無說。或有說無圖。或說是圖非此。其疎漏耳。徽宗大觀三年。蜀醫唐慎微取嘉祐補註本草。及圖經本草。陳藏器本草。孟詵食療本草。舊本所遺者。五百餘種。附入各部。并增五種。仍采雷公炮炙及唐本草食療。陳藏器諸說。收未盡者。附於各條之後。又采古今單方。并經史百家之書。有關藥物者。亦附之。共三十一卷。名證類本草。上之朝廷。改名大觀本草。政和中。復命醫官曹孝忠校正刊行。故又謂之政和本草。慎微貌寢陋而學該博。使諸家本草及各藥單方。不致淪沒者。咸其功也。開寶中。日華子大明序集諸家本草所用藥。各以寒溫性味華實虫獸為類。其言功用甚悉。政和中。醫官通直郎寇宗奭以補註圖經及圖經二書。參考事實。覈其情理。援引辨正。名本草衍義。宜東垣丹溪所尊信也。但以蘭花為蘭草。卷丹為百合。抑千慮之一失乎。金易州張元素言古方新病。各不相能。乃自成家法。辨藥性之氣。



味陰陽厚薄升降浮沈補瀉六氣十二經。及隨證用藥之法。立為主治秘訣。心法要旨。謂之珍珠囊誠靈素之羽翼也。後人翻為韻語。謂之東垣著者謬矣。惜乎上論百品。未及偏評。或者貴精不貴多乎。元真定李杲。祖潔古珍珠囊。增以用藥凡例。結經嚮導。綱要活法。而著用藥法象有青出于藍之意。補醫學教授王好古著湯液本草二卷。取本草及張仲景成無已張潔古李東垣之書。間附己意。亦本草之附屬。震亨因寇氏衍義之義而推行之。近二百種。多所發明。胡粉之為錫粉。胡亦不。說乎。昭代嘉靖末。祁門醫士陳嘉謨依王氏集要部次集成。每品具氣味產采治法。方法創成對語。便於誦習。名曰蒙筌。誠稱其實。楚府奉祠蘄州李時珍著本草綱目五十二卷。列為一十六部。部各分類。類凡六十。標名為綱。列事為目。增藥三百七十四種。其蒐羅百代。訪采四方。尊為本草之大成。當無愧也。天啟時海虞繆希雍取本草綱目。節其緊要者。著本草經疏八卷。詮次有功。亦晚近之師匠也。如黃帝時臣桐君采藥錄二卷。魏吳晉著吳氏本草一卷。唐鄭虔著胡本草七卷。竟已失傳。李當之著李氏藥錄三卷。僅散見陶氏吳氏本草。皆足惜也。又如唐孫思邈千金食治同州刺史孟詵著食療本草。張鼎又補其不足者八十九種。并舊為二百二十七條。凡三卷。南唐陪戎副尉劍州醫學助教陳士良著食性本草十卷。元海甯醫士吳瑞著曰

用本草八卷。明正德時。九江知府江陵汪穎著。食物本草二卷。蓋釐東陽盧和之舊本而成也。嘉靖時。京口甯原著。食鑑本草。皆切於飲食。本周禮食醫之義。而誤述古。惟有淮南王食醫一百二十卷。崔浩食經九卷。竺暄食經十卷。膳饌養療二十卷。殷食醫心鑑三卷。晏居中食治通說一卷。陳直奉親養老書二卷。并有食治諸方。此其流亞。不可廢也。他如洪武初。周憲王著救荒本草四卷。乃念旱澇民飢而設。宣德中。寧憲王著庚辛玉冊二卷。以備丹爐。學者留供淹博。胡可少乎。至如唐蘭陵處士蕭炳。取本草藥名上一字。以平上去入四聲相從。以便討閱。著四聲本草四卷。潤州醫博士兼節度隨軍楊損之。刪去本草不急。及有名未用之類。著刪繁本草五卷。宋哲宗元祐中。閔中醫士陳承合本草圖經二書為一。間綴數語。著本草別說明。洪武時。山陰徐彥純取張潔古李東垣王海藏朱丹溪成無己數家之說。著本草發揮三卷。弘治中。禮部郎中慈溪王綸取本草常用藥品。及潔古東垣丹溪所論序例畧節。著本草集要八卷。嘉靖中。祁門醫士江機懋王氏集要。不收草木形狀。乃削玄本草上中下三品。以類相從。菜穀通為草部。果品通為木部。并諸家序例。編二十卷。皆不能有所發明。零星臆度。存而不論可也。嗟夫。昆蟲草木至繁。雖歷代羣賢窮收博采。亦未能盡。學者洵能熟讀深思。由博反約。則於用藥救生之道。庶幾不負先賢於醫。

之道思過半矣。

